



~~Cygnis~~

Nc. 9688



Nc 9688

SEPTIZONIUM

TRIVMPHALE,

ad Augustam Inaugurationem,

SERENISSIMI ET POTENTISSIMI
PRINCIPIS,

MICHAELIS
KORYBVTH

Dei Gratiâ

REGIS POLONIÆ,

Magni Ducis Lithuaniae, Russiae, Prussiae, Ma-
souiæ, Samogitiæ, Liuoniae, Smolensciæ, Kiiouiæ,
Volhyniæ, Podoliæ, Podlachiæ, Czerniechouiæq; &c.
DNI DNI CLEMENTISSIMI:

*Inter maximos publicorum operum apparatus, communemq;
Orbis Sarmatici latitiam, auspiciatissimi ominis,
& immortalis gloriae,
ergo:*

A

M. STANISLAO IOSEPHO BIEZANOWSKI Leopold:
in Alma Vniuersitate Cracouiensi Philosophiæ Doctore,
Collega Minore, Ordinario Poëteos Professore:

opere literato

ERECTVM.

Anno restauratæ salutis, M. DC. LXIX. Die 29. Septemb.

CRACOVIÆ,

In Officina Typogr. Stanislai Piotrkowczyk, S. R. M. Typogr.



Ex
Biblioth. Reg.
Berolinensi.

Admiranda Tui, PRINCEPS, electio Sceptri,
Arcanum cœli, grandeque pignus erat;
Hinc Tibi Regales, ut reddat Cynthia plausus;
Cum rutilo cœli Sidere, missa venit;
His radiis, hâc luce Tibi data Sceptra precatur:
Debuit haud aliter, cœlica lingua loqui.

SEPTIZONII TRIVMPHALIS,

ex rediuiua Piasiei Sceptri felicitate,
Columnarum in basi,

SERIES PRIMA.

Nouum ad imaginē vetustissimi seculi opus,
novus Poloniae genius, affectu pro ingenio formās;
omnia retrò secula, ad similes Heroicos ausus,
non prouocat tantum, sed vrget.

Assurgit quidem, exemplorum prisca æui senio;
ita tamen;

vt sibi quoque, maior è longinquò reuerentia, aliquando assurgat;
cùm inuitata prisca moris vestigia, iterum fecerit non noua.

Ad stuporem hunc, exempli rarissimi,
cùm humana omnia sileant, sistantque;
sola publicæ latitiæ, irrequieta vis est;

cui in immensis conatibus suis, communi veniâ, vel ideò facilè parcitur;
quod rem omnium agat.

Nempè & hæc quoque voluptas est;
sinere laborem publicum, ea moliri pro omnibus;
quorum onera, dum gaudio feruet, non sentit.

Ad augustam certè molem,
delicio Principum, Principi suo erigendam;
tot habet Polonia manus;
tot corda ad eligendum contulit;
certatura facilè cum omni æuo;
postquam difficillimum, à tot seculis, prodigiosi calculi,
certamen absoluit.

Quidni verò, Septizonium illi triumphale cogitet?
in quo, dum ex felicitatis suæ perfecto numero triumphat;
post septem à suscepta Christiana fide secula,
nouam seculorum hebdomaden ingressa;
redit iterum ad opus suum; quod antè in Piasleo sanguine patrarat.

Numerum hunc profectò,

ex impari parique perfectum coaluisse oportuit;
vt imparibus Polonia votis, in parem subito consensum desinens;
vnum, quod ad perfectam felicitatem suam restabat,
diuinitus componeret.

Clauditur hoc numero vniuersum;

in quo Poloniae sufficit;
Septimam admirandae Electionis hebdomaden, sic complēsse;
vt nihil vnquam perfectius,
vno simul, vniuersa in campo egerit.
Sub hac structurae arcana serie,
elaboratam diuino septenario molem,
altiùs à terra tollimus;
vt caelotenus porrecta, argumento sit;
Principem cui surgit, è caelo venisse.
Celsitudini tantae basis solidissima;
rediuiua PIASTEI Sceptri felicitas;
in qua, fundamentorum liberi Regni, profundissimus iam olim iactus;
nunc etiam tanto altiùs descendit;
quantò liberae vocis suffragia confirmauit validiùs.
Hoc demùm in PIASTVM suum consensu,
Atlantes Poloni, lacertorum suorum sensere vim;
non aliàs machinà hanc nutante periculosiùs;
cui tot simul brachia supponi oportuit.
Sed vnum hoc experimentum, ceteris illustrius;
probauit Athletas libertatis, fecitque;
dùm in orbis theatrum deductos; diu certare voluit;
vt vincerent in puncto:
cùmque iam lassos credidisses, fortius pedem fixere;
non perituro ad omnem posteritatem vestigio;
ceu illud, non humano nisu, in petra cauassent.
Super hac basi, rupeque,
Primas Septizonij triumphalis columnas ponimus;
quarum in capite PIASTVS;
rude marmor; vileque, orbis tamen pretia vincens;
informi Crusulicæ metallo, nomina fecit.
Nutritor hic Poloniae, gestatorque futurus;
expansos ad beneficentiam sinus, primùm exercuit;
vt patriam nutriret, gestaretque delicatius.
Induruere illi manus ab opere, à tiliæ cortice pedes;
pectus tamen à medulla bonitatis liquefcens;

& ab

& ab obsequio hospitalitatis tractabile factum;
exceptit Patriam, tam leniter; quàm si ad vbera recepisset.
Mollissima quippe animorum culcitra, hospitalitas;
ex admirando beneficentiae in alios privilegio,
hoc habet;
vt intractabiles etiam sopiat; demulceat irritatos.
Huc & mellificij cura, non sine arcano;
ad mulsæ aquæ propinationem, eos etiam habere promerita;
quorum sitis, beatæ voluptatis torrens;
& inebriatio ab vbertate domus DEI est.
Felicitas inde Piastea, securitas publica;
fauus vbique, aculeus nusquam;
in Zemovito Filio Clementia;
in Lesco Nepote Pax;
in Zemomisso Pronepote, nouæ lucis diluculum;
tota in Miecyslao Abnepote lux:
qui vt inter Septizonij triumphalis columnas,
staret illustrior;
septenni luce carere debuit.
Vmbra hæc, magni deinceps boni Cortina,
PIASTEAE felicitatis grande secretum,
non ante Solem Christianæ fidei reuelauit;
quàm in solio Princeps consedisset;
qui diu absque Patris solatio, vt prodigiosus Pater fieret,
ex vxoris Dambrovæ fide, maritus genitus est;
antequam Reges & Regnum, CHRISTO genuisset.
Pro Regno Euangelij, medios euaginari enses statuens;
Boleslaum Chrobri Filium,
Regem, & Sarmaticum Herculem, habere meruit;
qui à columnis, quas posuit victor,
ad coronam vsq; regiam, ab OTTHONE Tertio Imperatore oblatam,
cùm primus decurrit;
diadema Polonum, PIASTEAE felicitatis posuit in censu.
Coronatae iam hinc, in septizonio nostro columnæ;
in CASIMIRO I. etiam diuinæ sunt;
quem sacris initiatum,
Religiosa Cluniaci Corona, vel ideò cinxit;
vt Regem sacrum faceret.
Summam in eo, innocentis animi pacem,
ex Rixa Matre potuisse nasci, stupor!

B

Maior

Maior tamen; ex sacro Principe, cum sacris rixatam,
 Boleslai Filij audaciam prodijffe.
 Coronam hic & mentem,
 post victorias, in sacri Præsulis victimam furens,
 cum audax nimium amisisset;
 mentem Polonia suam, in Vladislai Hermanni, optima mente;
 coronas & triumphos,
 in Boleslao Kriuousto, immortales recepit.
 Martem ille ab ipso nouennio secutus;
 spatium victoriarum, maturius exorsus est;
 ut quadragies septies victor triumpharet;
 cui si vel ipsum Martem comparaueris, tyronem inuenies.
 Nimirum,
 inter PIASTIDAS iste prodigium, fulmenque bellicum;
 ut comminueret plurima, obstantia multa inuenit;
 ceu gloria ipsius seruire vellent;
 dum virtutem laceffunt;
 ad Caninos vsque campos experta, vincere eum pariter, & viuere natum;
 etiam post fata, terrore perpetuo fulminare.
 Augusta quoque in Boleslao Crispo,
 contra Conradum, & Fridericum Augustos, virtus;
 in Casimiro Iusto veneranda,
 in Boleslai Pudici, pudicissimo thoro,
 triumphos innocentia duxit.
 Tulit in Lesco quoque Nigro, *de comedente cibum,*
& egressam de forti dulcedinem;
 dum ex Leone Russo, Lithuanaque retulit spolia;
 pro Coronis Regalibus, triumphales multiplicans;
 donec in Premislao & Vladislao Loctico,
 Regios iterum honores adimpleret.
 Modica hæc, ingentis animi sedes;
 admirandum pugnacissimi spiritus compendium;
 augusta immensarum cogitationum, angustia simul & capacitas;
 cum iustam non compleret mensuram;
 orbem impleuit, Maiores excessit, Magnos genuit;
 Putasses in eo Piasream indolem,
 in proximo iam magnæ propaginis exitu,
 epitomen sibi fecisse;
 ut tota simul, in hac Synopsi spectaretur:
 quæ in CASIMIRO Magno, dum se latius explicat;

foecun-

foecunda triumphis, aucta prouincijs, munita Urbibus;
 solo Regiæ prolis, munimento sterilis;
 redijt à Ludouico quoque Hungaro, masculæ coronæ indiga,
 ut in Heduigi Piasrea,
 Vltimam cælo coronam inferret;
 sterilitate profectò sanctissima;
 quæ Lithuaniam CHRISTO, IAGELLONES & KORYBETHOS
 Christianæ coronæ genuit:

ut in Te,

SERENISSIME MICHAEL,

omnia demum claudens;
 eum Te Regem coronet; qui Patriæ PARENsis,

^{435 1267}
fat Pius,

quia

P I A S T V S.

SEPTIZONII
TRIVMPHALIS,

ex antiquissima Magnorū Lithuaniae Ducum origine,

SERIES ALTERA.

Nescio quid in se arcani habet,
molimen hoc;

destinati magno Cælorum arcano Principis,
 augustis honoribus surgens;
 cui augusta omnia ad Maiestatem;
 etiam cum è longinquo petuntur, ipsâ nascuntur sub manu.
 Non fatigat hic laborantes vetustas;
 quæ cum delubra sua obumbrat, semideos facit;
 non habitura reverentiam;
 nisi in coelum fugiens, Deorum connubijs,
 irreuerentiùs se misceat:

cei puderet humanæ originis, quos non pudet incertæ.

Augusta hæc,
 Celsissimi, quem cultu publico prosequimur, Sanguinis;

B 2

fontes-

fontesque suos non dissimulans;
tota se offert; scrutatoresque suos absoluit;
nè quod in ænigmate obscure capiunt;
ænigmate obscurius soluant.

Nimirum,
ex cultissima orbis parte, vel ideò venit:
vt non quærat inculta; sed spontè prodeat humanissima;
quæ barbaram domi Tyrannidem exosa;
eas sedes quæsiit;
in quibus barbariem, ad elegantiam, & delicias vsque excoleret.

Diuina profectò Argo illa;
quæ orbem terrarum circumuecta, eos Lithuania Argonautas intulit,
qui in hanc Colchidem delati;
Velleris Aurei Gazas fundauere:
vt constaret,

tot Regum olim patriam, nidumque;
quorum hoc Velleris Aurei, augustum insigne est;
non frustrà, tam felices Argonautas,
post errores sanè quàm felicissimos, recepisse.
Nauigatio hæc, solam in lucro vitam ponens,
omnium lucrosissima facta;

Pergaina sua dum fugit, imperia condidit;
hoc agente admirando rerum ordine;
vt cum Palæmoni in Italia cum Heroibus suis,
humanitas inter Tyrannos deest;

magisterium humanitatis, Lithuania per eum non deesset,
sed cum Palæmonem stupeo;
uentia cum eo, in Septentrionem,
an verò ad Septizonium nostrum?

magna Columnarum nomina, cur non mirer?
Et hæc quippe sanguinis istius felicitas est;
cui vt moles augusta, magnificentius assurgat;
spontè ad eam, per tot maria, sinusque,
peregrini orbis Columnas, nauigare oportuit.

Adeste iam felices,
magnisque olim muneribus pares; quin & immortales columnæ;
& quorum Heroica nomina, vocalis Argo posteris non siluit,
VRSINI, IULIANI, CAESARIANI, GASTOLDI.
nempè & hic Latium est, quod circumfertis;
Lauinaque littora vobis, cordolium non fit mutasse;
nam & hic coronæ vos fascesque sequentur;
ad imperium vbi que natos.

Habe-

Habebit nobiles in CYNOSO Ducalis purpura cunas;
in ZIVIBVNDI, jugum tributi Russici erubescet;
vt excutiat in ERDZIWILO & triumphet.

Non longè absunt,
in SKIRMVNTI, ex Zavolhensibus Scythis triumphales,
in RINGVLTO Ciuicæ,
Regiæ in MENDOLPHO Coronæ,
felices aliàs, quia sacrae;
nisi seruatae olim dignioribus;
ex infelici capite, dum in CHRISTI fide nutat caditque, cecidissent.
Proteus quippe hic, vindicem STROYNATIS gladium, non fefellit;
vt disceret,

religionem, non mollem ceram, nec laruam esse;
quam fingere, aut refingere, ponere vel sumere;
tam facilè, & ridiculum sit;
quàm Æsculapio barbam tollere.

Constantior post Vtenum, Trahumque, NARIMVNTI spiritus,
qui inter Lithuaniae Principes,
equitis cataphracti, primus insignia sumens;
infractum vbi que pectus, & grauiori armatura solidum;
semperque aliquid magnum, tanto cursu persequens;
etiam in TROIDENO Filio, Heroico Principe ostendit.

Instabat nimirum,
magnus in VITENE, ex Centaurorum familia, sanguis;
sub quo cursus ille, in Pogonia paratus,
nouas Lithuaniae Olympiadas expectabat.

Nec diu illæ morata, in GEDIMINO, celsissimi animi Principe
Magno Jagellonis Koributi que Auo,
immensum gloriæ spatium inuenere.

Diu plerumque laborant sæcula, vt magna exempla pariant;
nec pudet longius grauida, expectationem orbis differre;
dum Augustos, magnosque Macedonas ferunt.

Ingens enim, multorum sæculorum compensatio summum aliquid;
quo se maximo exempli publici debito,
virtus subinde, & rara felicitas absoluit;
vt multa interim sæcula occupet.

Exolutum id, in GEDIMINO posterisque suis, tanto publici boni prouentu;
vt suffecerit, ad magnam Heroùm fecunditatem Lithuaniae;
etiam si aliàs non pariturae;
vel in hoc solo, magnarum mentium in GEDIMINO partu,
per omnem vetustatem laborasse.

C

Par equi-

Par equidem magnis tot ætatum sudoribus labor hic;
quem Lithuania, dum non capit; totus Septērio grandi cōplexu ambiret;
Exporrectum inde ad summa omnia *Gediminus* animum,
quàm gesserit;

porrecti vltra *Volhyniam, Kiouiamque*, principatûs
non termini, sed gradus arguunt;
quos nefas fuerat, coronatis ex *OLGERDO* Nepotibus,
impares Maiestati relinquere;
nè Augustos illa parere cogeretur in angusto.

Nec mirum,
Prouincias eum bello quæsisse;
qui ne in venatione quidem, à propagando imperio cessans;
vbi feras insequitur;

humanitatis receptacula, vrbes cœpit & condidit.

Felix venatio,
quæ binam Principum sedem iuuenit;
ferreôq; somnio, p̄ condenda Principe Lithuanie vrbe vigilauit,
an quia bellatorum,

non vigiliæ tantum; sed somnia quoque Heroica sunt?
quæ in sopitis etiam herculeos actus moliuntur.

A tanto Principe, Vilna vt surgeret;

Majestatis interfuit;

quæ in proximo, Christianam religionem & coronam ferens,
in ea vrbe recipi debuit; quæ ad prærogatiuam huiusmodi surrexerat.

Ab hoc immortali opere *GEDIMINVS*
immensis ardoribus, succentum ad maiora spiritum,
dum sagitta ignea, à Cruciferis ictus occumbit;
in *OLGERDVM* Filium transfudit.

Principem sanè, Mavortijs caloribus, tam ardentem;
quàm eum magnæ ex cælis Cruciferis victimæ,
ad paternæ mortis vindicias succensæ;

quam *Demetrius Moschouæ Dux*,
Victorem ante prælia, Iovem ante fulmina sensere:

Didicit tum *Moschua*,

generosos animos; non prouocari frustra;
quorum simul interius calentes, alimento gloria, tam facile corripuntur;
quàm si oleum *Vulcano* affuderis:

nempè ante fomitem ignis extinctum; quem *OLGERDVS* Mosco miserat;
totus ipse Martius fomes ardorque, tumentem fumare Moscuam fecit;

quæ se mirata, momento sub hasta venisse;
dum ille victricem, vt promiserat,

arci hastam infigit;

hasti-

hastiludium fortunæ non ampliùs tentauit;
ita *OLGERDVS*, ex fomite ignis inextincto;
æternam gloriæ *Pharum* succendens,
Asbestinas in eo duodecim filiorum lampadas;
an verò igneas, *Septizonij* nostri columnas, reliquit;
totâ omnium luce

in *IAGELLONES & KORYBTOS*,
ex intervallo sæculorum, sic demùm transfusa;
vt cum *Iagellonica* scintilla deficit;
inextinctus germani sanguinis splendor,
nouam *Regnatricis Domûs* incipiat lucem;

in qua,

vel ex ipso nomine dilectus patriæ

SERENISSIMVS
MICHAEL KORYBVTH

^{4 2 3 5 1 9 10 7 13 8 6 12 11 14.}
HIC AMOR LVCEBIT.

SEPTIZONII
TRIVMPHALIS,

ex auita *Korybuthei* sanguinis gloria,

SERIES TERTIA.

Peregrinam operum publicorum magnificentiam;

quæ verecunda domestica indigentia, confessio est;
procul hinc arcet,

conscia magnitudinis suæ, KORYBTHEI sanguinis Maiestas.

Non moramur hic,

si alicubi orbis, in plures lapidum maculas, laboret;
si alicubi maria sub Chio, Rhodioque pondere gemant;
ex hoc pretioso terrarum abortu, augustas moles erigere;
mutoque saxorum præconio, Heroum gloriam loqui;
Modicus perpetui honoris census est.

Illud augustum & Regium;

magnis attollere *Septizonia* nominibus,
intignire exemplis; coronare triumphis.

Hic nobis ex KORYBTHEO sanguine, apparatus maximus;

C 2

hæc do-

hæc domestica Ægyptus, Lybia cum Perfide, Indisque;
& si quid exotico nomine famosius.

Sufficit pro his omnibus,

GEDIMINO AVO, OLGERDO PATRE,

IAGELLONE GERMANO,

Vitoldo Patruale, Alexandra sorore,

inclytus **KORYBVTH.**

Ex his nominibus nullum est, quod orbis theatrum,
& consanguineas Europæ coronas, non impleat;
cùm impleuerit,

GEDIMINVS Russiam, **OLGERDVS** Moschuam,

VITOLDVS Tartariam trophæis;

Iagello Poloniam, Hungariam, Bohemiam, Regibus;

Alexandra Austriam, Hispaniam, Imperium,

Principum, Regum, Cæsarum, coronis.

Theatrum hoc sanè augustissimum;

in quo,

ALEXANDRA,

Iagellonis & Korybuti Soror,

Zemovito Mazoviæ Duci nupta,

ex **CYMBARCÆ,**

cum **ERNESTO** Archiduce Austriæ,

felici thalamo,

Fridericum, Maximilianos duos, Carolum

Quintum, Rudolphum, Matthiam, Fer-

dinardos Quatuor, Leopoldum,

Romanorum Imperatores semper augustos;

Philippos Quatuor Hispaniæ Reges;

inter domestica, Korybuthei sanguinis decora censet.

Hoc ad Majestatem Korybutheam, si non summum;

quod in orbe Europeo celsissimum;

Divorum certè consanguineus splendor,

gentilitios, etiam in ambitiosissimis, ardores sistens,

Herculeum hîc, non plus ultra inscribit.

D. CASIMIRVS LITHVANIÆ PRINCEPS;

communis Iagellonum, & **KORYBVTHORVM** sanguis,

commune quoque delictum;

augu-

augustæ vtriusque Domûs fastigium, eò intulit;

quò humana fastigia assurgunt nulla.

Ebur hoc puritatis, & innocentiaë victima,

gaudet utique;

SERENISSIMVM MICHAELEM,

eum dilectis gentibus Regem,

eum Iagellonica gloriæ successorem, cœlitus datum;

cuius innocentia vitæ,

consanguineos cœlorum nexus, non reformidet:

sanguinem, & animum Principe dignum, ita circumferens;

ut ad Divorum genus, non frustra pertineat.

Certè non alium, divina propè electio illa,

invenisse cœlitus debuit;

quàm eum, cui diploma cœleste, tot consanguinea,

Divorum manus subscripserunt.

Privilegium hoc ex rarissimis, omnia retrò secula & merita KORYBVTHORVM,

in eo capite coronat;

in quo, ipsi etiam decora, & delicias suas,

Superi coronârunt.

Huc etiam immortalium Heroum,

Bellator ille spiritus,

ad Regalem **KORYBVTHEAM** purpuram, cùm respicit;

non erubescit, suo aliquando,

Moschicos, Tauricanos, Moldavicos, Otthomannicos enses,

pro **DEO** & Patria, fuso sanguine rubuisse;

ex quibus

DEMETRIVS KORYBVTH,

devota Marti, contra Tamerlanis copias, victima;

quod non profundius, in viscera sua egerit;

barbarum acinacem incusat;

ut tantò uberius profueret, generosissimus sanguis ille;

quem in Sarmaticam purpuram, desisse aliquando oportuerat.

Nec **SIGISMUNDVM** quoque **KORYBVTH,**

pro corona olim Bohemica, desudasse, iam poenitet;

cùm ne tertium quidem seculum, ab eius ætatis iudicio recesserit;

quod **KORYBVTHOS** Regali semper coronæ pares;

nunc etiam Reges eligi, & inaugurari convincit;

D

ceu di-

ceum diluculum illud, ejus Majestatis tunc fuerit;
quæ nunc se, in clarissimam diem explicans;
ut longissima fieret; remotius oriri voluit.

Nec diuisit eam,

post THEODORVM & DANIELEM,
BASILIVS KORYBVTH;

quanquam
in Visniouiecios, Zbarascios, Porecciosque Duces,
derivatam;

cum ubique decorum sanguinis, in fonte suo seruatum;
collecta semper luce, id egerit;
ut aliquando totum in vno; qui solus omnium compendia,
in folio ferret, spectaretur.

Ex oraculo rem agi dixisses;

ita nihil non eminentissimum semper, in KORYBVTHIS,
& ex Regia indole factum;

inter summos ubique popularium suorum amores;

Majestatis, qua in arcano tenebatur, genium non amisit.

In pulvere Mavortio perpetui,
turmisque militaribus, nunquam non immisti;
ijdem tamen semper, os humerosque Dijs similes;
semperque Agamemnona spirantes;
Magnique etiam in Ephæstione Alexandri.

Fatale id classicum hostibus patriæ,
plagamque insanabilem ferens;

quoties Ducum in Visniouiec KORYBVTHORVM,
graduius pater nomina recenset;

qualia

in **CONSTANTINO, MICHAELE,
ALEXANDO,**

Ducibus Visniouiecij,

Propontidi, & Tauricæ inimica,

nudum sæpius ab ea parte, indefensumque patriæ latus,
barbaro mucrone peti;

vel ipso, cum nominantur, terrore prohibuerunt.

His moenibus, Sparta nostra cingitur;

arietan-

arietantibus perpetuò Getis, Thracibusque:

sed contra Abeneos pectorum oppositus, non proualentibus.

stridore Orientis, fremituque tanto;

ut si Minotauro illi, Sarmatiæ victimas extorquere liceret;

has primum Lacænas;

quæ Visniouiecios Heroas pariunt,
immani peteret rictu.

nobilem quippe offam, quam cum sæpius appetisset;
ferreum in ea bolum rodere coactus, edentulus abiit.

Africa quidē, Scythica, Bizantina, Cosacica,

semper aliquid, ab ea parte noui;

sed Scipiones VISNIOVIECII præsto;

sed contra Hydræ illius capita, in excubijs Patriæ,

Hercules perpetui.

Magnis olim, ANDRÆ Duci in Visniouiec, Palatino Volhyniæ,

MICHAELI & GEORGIO, Castellanis Kijouensibus,

CONSTANTINO Palatino Russiæ,

IANVSSIO Supremo Stabuli Regni Præfecto;

ætate quoque nostra proximi,

DEMETRIVS, & CONSTANTINVS,

Duces Visniouiecii,

cellisima KORYBVTHEI sanguinis, & Martis Sarmatici nomina;

id omnium exigentibus meritis;

ut à coronis Visniouieciorum triumphalibus;

ad bellicosa gentis coronas, ex Mavortia stirpe prodires

P R I N C E P S;

cum inter classica bellorum, paternaque trophæa nato;

contra hostes Patriæ, ab vberibus semper fuerit,

S E R E N I S S I M E

MICHAEL KORYBVTH,

TIBI M V C R O L A C.

SEPTI-

SEPTIZONII TRIVMPHALIS,

ex immortalibus trophæis, ab incomparabili Herodé,

HIEREMIA KORYBVTH, Duce Visnioviecio,
Magno SERENISSIMI REGIS PARENTE,
gloriosè erectis.

SERIES QVARTA.

Curam hîc nostram, excipit vniuersa,
quæ manus in augusto opere, consecrare nititur,

POLONIA;

vt vnâ in Septizonium triumphale tollat;
sed quæ pro mille alijs sufficit,
Columnam.

Centimanos proinde non inuoco;
quando comportantium, tot iam in opere manus;
à Ponto Euxino, Balticisque littoribus; à Tanai, & Volga;
quod ne in sua quidem Epheso, Asia vidit.

Amoris quippe publici nomen hoc, exciuit Sarmatiam omnem;

vt Atlantis sui delictum, non onus;

tota exultantibus brachijs subeat;

cui securè olim incumbens, non procubuit.

HIEREMIAS is Dux Visnioviecius,

Terrarum Rusiæ Palatinus,

Heroum ætatis nostræ apex, an verò Phœnix est?
fatis jam ad Majestatem, vniuersæ gloriæ dictum;

cùm exhausserit omnis aui exempla, Heroumq; nomina,

qui HIEREMIAM Visnioviecium dixit:

adeò nihil in omni saculo Mauortium; quod hîc non ad amussim vsq;

Heroicum.

Excedit fidem, auget prodigia,

stuporem omnem vincit;

anius ille tam ingens, tam vastus;

ceu Martem ipsum, exarmare paratus;

pericula vbique hauriens, pericula tam sitret;

quàm Oceanus fluminum, quibus non crescit vndas.

Prin-

Princeps in eo vbique,
sanguis, indoles, spiritus;
etiam inter Palladias, à teneris, domi, forisque artes;
totus in ægide, totus in hasta;
vt iam Achillem nosces;
quem non armatum tenere diutiùs;
exquisitiùs torquere fuit.

Adurgebat eum mille stimulis,

mascula ante ætatem virtus;

ipsa demùm tormento futura maximo;

nisi armorum fitientissimæ indoli compatiens;

in effulis latè ad Smolenscum Moscæ viribus;

ingens ei theatrum gloriæ objecisset.

Non hominem tùm, sed mentem ipsam credidisses;

quando lectissimâ quindecim prope millium manu collectâ;

ad Martem suum, VLADISLAVM IV. conuolans,

grandi obsidio confisum;

gravius hostem ipse, ab interioribus Moscæ, momentò obsedit.

Ictu propè trifulci fulminis,

SEHINVS, & PROZOROVIVS concidisse visi;

cùm ab ea parte detonans VISNIOVIECIVS,

omnia sterneret;

primus in acie, infractus periculis,

perpetuus in palmis.

Ad triumphos VLADISLAI, ingens in eo momentum;

à quo, igne triumphali, tota propè Moscua succensa;

probra sua spectare maluit, quàm busta;

Concessitque victoriosissimo VLADISLAI trophæa;

vt VISNIOVIECIO tanti Regis præconium, non differret.

Sed brevis hæc,

ingenti animo, ad gloriam lucta;

qui ad fortunam VLADISLAI, siluisse omnia,

in Aquilone cùm cernit;

ad grauidum periculis, Abazi Bassæ Orientem, contendens;

nec dùm excusso puluere Moschico,

ad olympia Thraciæ venit.

Grandis bellator Abazi, mensuram tùm suam,

ex pollice VISNIOVIECIANO, discere coactus;

erubuit triarius tyrocinia sua;

quæ vetus bellorum, Bizantijs luit;

E

quod

quod in portu triumphorum Asiae navigans;
ad Moldavica littora alliserit.

Scopulus hic,

HIEREMIAE Visniovicij,

inevitabilis armorum felicitas;

ad quam Cosacica quoque in Starzec,
obstinata rebellio; cum impegisset;
infelicem baltheum miserè soluit.

Ianum interim, Vladislaus victor, paci Sarmaticæ:

sed non fortitudini Visniovicianæ claudit;

cuius ætas, ut victorijs potius constaret, quam annis;

januam ei bellorum,

perpetuò ad novos patere triumphos oportuit.

Commodum ad id,

ex Omer Aga Scytharum Ductore classicum;

qui cum in Russiam, barbaro more irrumpens;

opimaq; Iovi Tauricano spolia ferens,

propè jam excederet:

VISNIOVICIVM repentinâ manu irruentem;

denis suorum millibus amissis, prædâque omni ereptâ;

etiam aliud agentem, triumphos agere;

agrè ad Meoticam paludem suam, tristè coaxans respexit.

Redijt tamen iterum ad Ochmatow;

ut turpem in bello Solæcismum, bis in eo delinquens, cõmitteret;

funestam proinde plagam meritus;

geminatâ clade, **VISNIOVICII**, & aliorum Heroùm,

victoriam geminavit.

eo demum Scythiæ suæ contemptu;

ut Oczakoviæ, laribusque Tartaricis;

VISNIOVICIVS propior sapius, quam olim Annibal Romæ;

ex immisis, in delubra Scythica sagittis;

arcus sibi triumphales, in Taurica crexerit.

Sitis hæc immensa bellandi

quæ nè in hostico quidem restingui potuit;

hosticum domi, post fatalem Corfuni cladem, inueniens;

omnem illam armorum seruilium inundationem;

si non exhaustit, sola certè diu sustinuit.

Spartanum Visniovicij pectus,

in adversis Patriæ, nunquam aversum;

diu ad Thermopylas illas, tribus nonnisi millibus suorum,
insolescentem victoriâ, barbarum, servilemque furorem,
nè in viscera Poloniæ sæuret, distinuit:

etiam tragicos monstri Pilaueensis, non permissurum errores;
nisi clauam Herculi,

æstus ille, turboque publicus abripuisset.

Insolitum id Visniovicio, morteque ipsâ atrocius;

in obsidio Zbarazensr, mille eum mortes quærere;

atque ut Martis Poloni tolleret ruborem,

ducentis propè Scytharum, Cosacorumque millibus;

pro gloria gentis, & salute publica, in victimam obijci fecit.

Arctissimus hic, ingentis Visniovicianæ fortitudinis circus,
implevit seculorum omnium gloriam, restituit exempla, exhaustit pericula;

ipsas etiam obsidionales coronavit, vicitque coronas;

quando cum duodenis millibus,

ab innumera multitudine obsessus; non horis, sed momentis;

consilio, manu, virtute, stratagemate pugnauit;

vbique liber, & inuictus.

Castra, vallum, fossæ, vineæ, defensionis nomina tantum;

omnia hæc in **VISNIOVICIO** secura, defensaque;

in cuius antemurali pectoris, illud perpetuum;

aut profligabo, aut moriar.

Stuporem hunc ætatum omnium, sola immortalitas capiet;

medijs in mortibus, ita vixisse, ita vicisse;

ceu obsessos, in viscera sua tandem recepturus;

quò gravius premeretur, maiora quotidie amoris publici viscera, dilataret.

Ab hoc Pelicano vita, salusque;

qui cum, in usus difficillimæ obsidionis, distraxisset omnia;

Cor etiam ipsum, bono publico, discernere paratus;

vnum illud doluit; quod in laudatissimo opere,

inter hostium admirationem & elogia, cum Epaminonda dicere non potuerit;

fatis vixi, cum inuictus moriar.

Seruatum hoc ei,

ad Marathonios, Berestecensis victoriæ campos;

ubi fuisit iterum, amplius quam centum millibus hostium, fugatisq;

inuitum inter coronas triumphales spiritum,

Pauolociæ claudens;

eas doloris publici cataractas referavit;

quas nulla vnquam solatia obserarunt.

Vixit bellator, obiit victor;
Pius, invictus, felix,
bello, pace, virtute, fortunâ, summus,
incomparabilis, verèque Augustus PRINCEPS;
dignus omninò,
vt Patriæ, Regisque Poloniæ PARENS,
pro corona Regni;
quam,
Sanguine, Virtute, Prælijs, Victorijs,
attigit, meruit, defendit, ornauit,
in SERENISSIMO FILIO
viueret
CORONATUS.

SEPTIZONII
TRIVMPHALIS,
ex gentilitijs Zamoscianæ Domûs splendoribus,
SERIES QUINTA.

Æmula iterum, magni sanguinis celsitudo,
spontè ad summum operis assurgens;
non fatigat, magnitudine suâ minores conatus, sed tollit.
Immortales profectò,
maximis Heroum stirpibus, gratiæ agenda sunt;
quod triumphalis apparatus negotia, sumptusque publicos,
facile expediant;
cùm ab omni æuo, in magnificentiam suam laborauerint.
Hoc facer ille,
KORYBTHEI, ZAMOSCIANIq; sanguinis nexus,
sic adimplet;
vt ortam ex utroq; amplitudinem, diminutum omninò eas;
si aliquid ei, de ingenio adjeceris.
Statue illam Orbi, vt in se ciaruit;
& jam egisti omnia.
Spirabunt hæc nomina, arcanum illud gloriæ;
cuius intelligentia, iupra communem genium.

Zamo-

Zamosciani ergò Sanguinis decus,
quale Principes, quale Regum consanguineos, natalesq; decet;
ex vetustissimis in Sarmatia, cùm eò proceiserit;
vt KORYBTHÆO, OSTROGIO, KOSTKANO,
ODROWAZIOQVE sanguini junctum;
priuilegia Majestatis, non aliundè poscat;
sed inter domesticas prærogatiuas censeat;
Regalis SEPTIZONII, portio sanè augusta est.
Par illi cum LECHO, ex Kozlarogijs,
ad FLORIANVM vsque SARIVM, deducta vetustas;
in cuius visceribus hostis, Sarmaticam virtutem scrutatus;
eres cùm infixisset hastas, animi magnitudinem non conspexit.
Heroico spiritu, per tot ostia,
vel ideò prodigiosius non egresso;
vt Regi, & orbi constaret;
quantùm deinceps animi, in Zamosciorum pectora transfudisset.
Decebat profectò, ex tantis visceribus,
stirpem eam nasci; quæ Summos Viros pareret;
partu sanè admirabili;
qui cùm rupisset viscera, vitam non abruptit;
ceu immortales in FLORIANO SARIO Heroas,
seculum illud posteris gigneret.
Et suffecerat quidem, vel pro solo,
IOANNE ZAMOSCIO,
Magno Regni Cancellario, & Supremo Exercituum Præfecto;
tam effusa pro bono publico, viscera fatigari;
in quo Zamosciorum omnem gloriam, vno mascula virtus partu,
sic genuit;
quasi foecunditatem iam omnem exhausisset.
De animo Summi huius Viri,
Palladis & Martis certamen perpetuum,
& simul vtriusque in eo perpetua consensio;
Numam, Camillum, Scipiones, Catonem,
diuersa virtutum exempla, in vnam hîc ideam ducta;
eo loco POLONIA habuit;
quo virtutem ipsam, se humanos vultus induisset.
Fulmen idem belli, & Oraculum pacis;
idem Achilles, & Nestor; aurea Herculis catena, & claua;
cum summa gloria, supra invidiam;

F

in illa

in illa semper assurgens, huic perpetuò formidandus,

Martem eius victoriosissimum,
triumphata Moichouia, Livonia recuperata,
repressa cum CAROLO Sudermano Suecia,
Scythæ, Moldavi, Turcæ, cæsi sæpius, fugatique;
immortalibus trophæis, si non loquuntur, stupent.

Sapientiam, auctoritatem, suadam,
summi iudicij vim, integritatem & celsitudinem animi,
SIGISMUNDVS AVGVSTVS, HENRICVS VALESIVS,
STEPHANVS BATHOREVS, SIGISMUNDVS TERTIVS,
Serenissimi Poloniæ Reges,
ornamentis suis, quibus in eo ornando certarunt,
prædicant sanè ornatissimè.

STEPHANVS certè BATHOREVS,
animum eius verè Regium, cum satis ornare non posset;
GRISELDE BATHOREA,
CHRISTOPHORI BATHOREI, Palatini Transylvaniæ,
Fratris sui Filiâ, in Matrimonium ei collocatâ;
tanti sanguinis dignatione,
thalamum eius Regium fecit.

Servavit tam augusto vinculo, Majestatem suam,
dignus tanto Parente Filius,
THOMAS ZAMOYSKI, Cancellarius Regni;
præter rerum gestarum gloriam, meritorum amplitudinem,
honorum eminentiam, tadis quoque nuptialibus,
nova, Regiæ stirpis vincula adaugens.

Accessere illi,
ex CATHARINA OSTROGIA, Consorte lectissima,
ALEXANDRI Ducis in Ostrog, Palatini Volhynia FILIA,
CONSTANTINORVM, THEODORI, IANVSSII, BASILII,
Romani, Ducum in Ostrog;
DANIELIS Regis Haliciæ,
LEONIS, IAROSLAI, VLODIMIRI, Russiæ Ducum;
ANNÆ, BASILII, & CONSTANTINI,
Orientalium Imperatorum Sororis,
VLODIMIRI Ducis Russiæ Consortis;
MARLÆ, CASIMIRO I, Regi Poloniæ nuptæ,
Iaroslai Ducis Filiæ,

amula.

amula maximis natalibus, augustissimi sanguinis decora;
conspirantibus ad id,
tot coronatorum Caputum, Regijs splendoribus;
vt ex maximo tanti sanguinis apparatu;
cunas hic Regias apparari,
nasciq; in summa luce, noua Regnatricis Domus lumina appareret.

Atque hoc vtinam,
proximus ille, limpidissimæ huius lucis ocellus,
IOANNES ZAMOYSKI Palatinus Sendomiriensis,
in Orbis Christiani facie reuelatum,
vidisset!

Nunc enimverò,
ex orbis Europæi, delatis sibi vbique honoribus,
ex Moschicis & Sueticis,
ingenti animo & sumptu, partis victorijs;
ex amoris publicæ, & meritorum in Patriam conscientia,
Heroico animo, voluptatem justè paratam,
suo tandem gustasset in fonte.

Quod in Te,
incomparabilis Heroïna,
Illustrissima, & Excellentissima Princeps,
GRISELDIS CONSTANTIA,

IN ZAMOSCIE
DVCISSA VISNIOVIECIA,
Serenissimi Regis Nostri PAREN S felicissima,
tantò vberioribus solatijs transfusum est;
quod KORYBTHEÆ, & Zamosciæ felicitati superstes;
tot animorum, quæ fuissent gaudia, vno in corde sistas.

Sed illud
ex merito suo, tot gaudijs delibutum,
ad exhauriendum publica lætitiæ fontem, superesse debuit;
quod inter heroicæ constantiæ exempla,
primum semper, & inuictum, ac omnino tale fuerat;
quale,

HEREMIAE Ducis Visnioviecii,
supra titulos omnes, Principis & Bellatoris fortissimi;
Consortem, animi celsitudine non disparem;
quinimò ipsam Constantiam decuit.

F 2

Hoc ni-

Hoc nimirum agebat,
diuturna illa, publici mali inclementia,
eminentissimo à Te, ipsisq; etiam Heroibus imitando,
magnæ mentis oppositu excepta;
vt supra omnes Camillas, verè invicta,
verè Augusta M A T E R;
bellicosissimæ genti Regem, non pareres tantum;
sed ex Te quoque, ad augusta omnia formares.
Heroïna nempè,
ex consanguinea Odrowaziorum, Kostkarumq; sanctimonie gloria;
quæ Divos cœlo, H Y A C I N T H V M, & STANISLAVM KOSTKAM genuit;
eius pietatis;
quam in SERENISSIMO FILIO coronatam,
cœleste non amplius, dissimulare potuit arcanum;
eius sapientiæ, magnanimitatis, prudentiæ, beneficentiæ,
et admiranda cuiusdam virtutum omnium Maiestatis;
vt non aliam magis deceat, Filios
Regnorum parere
M O N A R C H A S.

SEPTIZONII TRIUMPHALIS,

Verè augusta, Serenissimi REGIS,
animi decora, & elogia recensens,

S E R I E S S E X T A.

Tàm au gusto sanguine genitus,
quantus in Te,
SERENISSIME MICHAEL REX,
& quàm ex merito Tuo, augustus sis;
vel in extrema, tantæ Maiestatis fimbria, legere;
nunc demum,
digna Septizonio triumphali magnificentia,
dignum terribissimâ orbis vniuersi pupillâ, spectaculum est.
Emblema illud, magni sanguinis Tui,
quod præmisimus;

non ideò

non ideò, in vestibulo gloriæ Tuæ stetit;
vt totos occupet, rapiatue.
Restat adhuc, superestque intrò venientibus;
ea ex Te ipso, Tibi propria Majestas;
quâ nemini cedas, cum eam nemini debeas;
citrà omnem sanguinis apparatus, regio semper animi cultus
& titulis, ex fastigio imperantium maximis digna.

Ea nimirum sollicitudo,
Regiam indolem Tuam, semper habuit;
vt quamvis, tot Principum, Regum, Cæsarum, sanguis sis;
quamuis in patrimonium, prisce Majorum virtutis,
jure Tuo venias;
anxius tamen, ceu nihil ante Te præcessisset;
severam Tibi legem præscripseris;
ex alieno non mereri.

Itaque,

tanquàm nunc primùm, lucem illam ferre disceres;
qua ortus Tuos, in Domo principe, planè inundauerat;
cætera omnia claritudini Maiorum relinquens:
illud vnum servasti,
accepta ex ijs magna indole,
non illustrari, sed clarere;
quod reputares, miserum admodum esse;
obvertere hiantem cum Cynthia, indigamque lucis faciem;
si fortè, quæpiam è longinquo, mutuati lacinia splendoris affulgeat.

Mirum sanè,
quod securus de tanti sanguinis meritis;
accinxeris Te operi;
ceu ex integro causam, apud vniuersam posteritatem acturus;
ipsâ etiam Pallade,
ad primæ ætatis, sapientiæ studium, admiratione suspensâ;
quod à Te, tam accuratè exegisti;
tanquàm non alia Tibi, gloriæ Olympia superessent.
Ptolomæos, Cæsares, Alphonfos,
hoc in genere laudis assequi parum;
nisi etiam, ad palmam vsque cum ijs certare,
ad has etiam victorias, ex victoriosissimo Parente natus,
proposuisses;
cultissimo sæculo, ingenij primùm,
mox imperij gloria PRINCEPS.

G

Arca-

Arcanum & illud educationis Tux;
quod Regna olim curaturus;
vt ad Regiæ Dumus curam, à teneris pertineres;
absolui primùm, curis mortalibus, Magnum Parentem Tuum oportuerit;
ac si orbitas illa, vel ideo præmaturè venisset;
vt Regum pupilla citiùs fieres.

Ea primùm,
SERENISSIMI OLIM,
CAROLI FERDINANDI,
Poloniæ & Sueciæ Principis, felicitas;
cuius innocentia vitæ, ne omninò infecunda transfiret;

Regem Te Polonis educauit.
duodecim millibus talentorum Ephesioni,
Magnus parentauit Macedo.
Satis ad factum, ad amicitia jura superfluum;
plùs tamen,
ad immortales orbis Sarmatici promerendas gratias,
CAROLVS Princeps impendit;
dùm impendijs in Te, post magni Parentis obitù, Principe dignis;
non tam ei parentare;
quàm Parentem Tuum agere maluit.

brevi deinceps,
in SERENISSIMAM olim,
LVDVICAM MARIAM,
Reginam Poloniæ,
pari felicitate translata;

vt cuius Regiam prolem, breues terrarum delicias,
maturè sibi coelum poposcerat;
Augusta in Te Matris, longiori solatio non careret;
Receptus ab ea, cœu in Ipem Regni assurgeres;
ita Regiâ omninò curâ habitus es;
identidem, cor illud Reginale, inscrutabili cogitatione pulsante;
an fortè magna aliqua fortuna, obsidem Te sibi dedisset;
vt tandem,
oculo mentis vbique perspicacissimo;
in eo tota verè lyncea fieret;
quod in animum Tuum, tam profunde descenderit;

vt arca-

vt arcanum in Te diuinum propè intelligens;
prauideret iudicio, quod magno latebat inuolutum secreto;
si Polonia PIASTVM Regem quæreret;
non in alio Principe, feliciùs inueniendum iudicans.
Oraculum id,
olim in vmbra, nunc in orbis facie;
mentes Principum, ad responsa plerumque divina moveri,
cœu voluntatis eius conscias, cuius vices in terris gerunt,
confirmauit.

Sed nec augusta illa animi Tui decora,
dissimulare poterant;
quin Te prasagâ velut Seruij Tulli corona cingerent;
erumpentibus passim earum virtutum radijs;
quæ Maiestatis propriæ sunt.
Pietas in DEVM,
quàm Regia, quàm augusta;
ex conscientia puritate, & Catholica religionis zelo,
lydium sui lapidem habet.
Transijt illa profectò, in substantiam Tuam;
ex perpetuo in ea alimento;
an verò consanguineis etiam, tot Diuorum in stirpe Tua,
igniculis accensa;
tàm ardens certè, & tàm animo Tuo congenita;
vt ad Orthodoxi Regis titulos, diuinitus planè electus sis;
cùm DEI, & religionis negotia, ante omnia elegeris.

Ex hoc fonte,
animi innocentia, moderatio, benignitas,
victoria sui perpetua, tranquillitas interior, lenibus Etesijs composita;
suumque illud placidissimi pectoris, citrà turbas nubesque.
omnia hæc ad Regiam clementiam directa;
quâ virtute vt excelleres, motus animi omnes composuisti.

Delicias mortalium Titos,
sæculo illi vt non inuideamus;
mira animi Tui dulcedo, ingens augusta clementia arrha efficit;
quâ Cyros, Augustos, Severos ut vincas;
omnium jam animi mansuetudinem vicisti;
vt jam Agesistratæ Spartanam vocem illam;
suprà Agidem filium, mutare liceat;
Tua Te bonitas, Tua humanitas,
non: absumpsit, sed assumpsit;

G 2

80

Et eò quidem, ubi Tecum sit, magni custos clementia sceptri;
 ut Ciuem, Patremque geras;
 quem in Te, vel ipsa naturæ bonitas, sic formauit;
 ut plenus ille Majestatis vultus, non aliud postulet magis;
 quam diligi,
 non aliud spondeat securius, quam Regium illud;
 beneficia conferendo nunquam vinci,
 quibus, ex inimicis etiam facere amicos, cum liceat;
 opus id sanè Heroicum, Tuum vnice putas;
 quòd didiceris,
 pulcherrimam esse ex inimicis victoriam, amicitiam.
 Arduum id, & non sine conflictu;
 sed magnanimitas, & inuicta cordis tui constantia,
 vuas ex spinis, inter aduersa, collegit semper.
 Inde Vlyssæas plusquam vicens hyemes,
 contra fortuna impulsus amulatus, illud magno animo voluebas;
 Latius est, quoties magno sibi constat honestum.
 quale illud,
 cum IOANNE ZAMOSCIO Auunculo Tuo,
 contra Sereinetum ad Czudnow;
 cum SERENISSIMO IOANNE CASIMIRO,
 contra Moschos, & Cosacos ultra Borysthenem;
 Marte rigidissimo partum;
 ubi paternæ gloriæ vestigia secutus;
 bellicæ virtutis decora, ab eius gentis trophæo, auspicatus es;
 quam ille primam vicit.
 Sic quæ per ardua Tecum, ad summa processit;
 ante Coronam inuicta, pro corona victrix,
 triumphat
 in Te

SOLA VIRTUS.

S E P T I M I A
 T R I V M P H A L I S,
 R E G A L E F A S T I G I V M.

Nec felicitas humana procedere altiùs;
 nec triumphale opus, quam in Regali fastigio,
 augustius desinere potuit:
 cum ipsa etiam inexplebilis, ibi desinat ambitio;

ubi sola

ubi sola maior restat, per quam Reges regnant, potestas.

Nasci ad hoc culmen, fortunæ;
 eligi, virtutis opus;
 cui gratiæ omnium maximæ habendæ sunt;
 quod melioribus calculos ferver.
 Descriptos certè optimos mortalium, in annulo suo, sola gestat, & nouit;
 quos diu sub arcano signaculi seruans, ad coronam reuelat:
 qualem Te nobis,

SERENISSIME MICHAEL REX,

pretiosam ex hoc annulo gemmam,
 quæ sola nouerat, sola dedit.
 Regiam quippe viam Tuam, ad hoc fastigium,
 ut nemo adverteret;
 DEVS ipse, celatam esse voluit;
 callem eius ubique sacrum, & à se custoditum,
 nunc demùm reuelans;
 cum iam directa cælitus ad coronam, obseruare vestigia;
 humanos ad ea nihil facere gradus, confiteri est.
 Regium hoc iter,
 DEVS tecum, ab eo potissimùm tempore ingressus;
 cum Tu ei in via, nube Eucharistica velato, pronâ adoratione occurrens;
 RUDOLPHINÆ pietatis exempla renovasti.
 Exultauit ille ad currendam viam, venerando Sacerdotis pectori incumbens;
 ut cibus vitæ, viaticum morientibus fieret;
 sed non minùs in Te,
 ad genua Sacerdotis prouoluto, atque ut equum conscenderet obsecrante,
 ut Rudolphinam benedictionem festinaret, exultauit;
 à vijs Tuis non jam ampliùs recedens;
 cum Tu in vijs eius ambulare, quando cibus ipse ambulat,
 Diuinum Myltam comitatus, elegeris.
 In hoc ferculo cœlesti latens;
 ipse Te sustulit in solium; cuius Tu Maiestatem ut tolleres,
 pronus in terram descendisti;
 qui etiam, in admirando Electionis Tuæ opere,
 apparuit inter homines: QVIS UT DEVS?
 in peruigilio Eucharistici Festi sui,
 mirabilia Altaris, & Throni Tui coniungens;
 ut in Eucharistico pane, tam piè olim adoratus;
 DEVS HOMO, pro Electo suo victor;
 Craftino, humana consilia omnia, duceret in triumpho.
 Auspicium id Regnatricis Domûs,

H

Augu-

Augustissimo sanguini Austriaco non dissimile,
victuræ illius felicitatis prærogatiuam,
ab immortalis vitæ cibo, nutrimentoque fumens;
Sacram Regum mamillam invenit;
vt nutritios divinitatis ex KORYBTHO,
si non immortales in terris; diuturnos certè faciat.
Ex hoc duraturæ felicitatis nutrimento,
amoris quoque publici, fomes ille perpetuus accenditur;
qui sacer imperantium ignis est.

Præcedere eum, summos olim Monarchas in publico oportuit;
vt tum demum, securam imperijs suis claritudinem sponderent;
si corda civium, sacram hanc benevolentia conciperent flammam:

quæ TIBI

SERENISSIME MICHAEL REX

ad Regale Fastigium Tuum, tanta præluxit;
vt non alias, cælestes virga Promethei felicius tulerit scintillas;
quibus cor Poloniæ,

ad Heroicum opus perficiendum animaret.
Orientem proinde ad Regni auspicia solem;
nemo Te felicius, in occasu illius diei conspexit;
quæ sola vt Iosue Polonum haberet, meruerat;
cùmque solem suum, invitum planè ab illo,
memorando omnibus retrò seculis spectaculo,
non tam declinare; quàm rapi sub terras vidisset;
mille pro eo, amoris & gaudij publici, lampadas accendit;
nocte illâ, sole novo in folio Regni æternum lucidâ;
quæ secutura deinceps,

discussis tenebris in lucem secula fudit:

Aurora tàm in Hesperum mutata, matutinos purpura sua, præ gaudio reliquit ortus;
vt insolitum decus illud spectaret;

quod in Regia Tuae purpure, felicissimo ortu accendisti.

ita in crepusculo illo,

eminentiſſimum Tibi Majestatis fastigium assurrexit;
in quo dubiam Poloniæ lucem, arcanum illud;
quod lucem diu habitavit inaccesibilem,

Serenissimam fecit, & Augustam.

Hæc ergò,

cùm Thronum Tuum, coronata jam ambiat;
in augusto capite Tuo, spem publicæ felicitatis coronat:

quæ Te Principem accipit,

Lechico, Piasteo, Iagellonico,

Sanguini, & Sceptro,

progenie, indole, virtute eminentissimâ parem;
polliceturque sibi haud dubiè,

PIVM, AVGVSTVM, CLEMENTEM, FELICEM;

qualem omninò ex visceribus Patriæ nasci;

& à mellitissimo examinis apum præfagio, venisse oportuit;

quibus natura in illo minimo, duo providit maxima,

Vbera, & memoriam:

ab illis Patria, felicitatis temporû Tuorû, dulce nectar sugens, vt pendeat;

hæc ut KORYBTHÆI sceptri, memoriam faciat immortalem;

ex vtroque, vt novum mellei sæculi conditorem,

suum agnoscat Polonia PIASTVM.

Nomen hoc in Regali fastigio, planè divinum;

secreti illius, aurea clavis est;

quod diù latuit, vt orbis iudicia exerceret;

inexpectato demum argumento convincens gentis Polonæ geniû, ad imperiû nasci.

FELIX SECVLVM,

quod domi suæ, peregrinari tandem nolens;

contrectatum sæpius, semperque è manibus elapsum,

vt lubricum non amplius bonum faceret, forti brachio comprehendit.

Sed ô quàm!

antè thronum, eius Majestatis, sollicitam Te provolui oportet,

Ô POLONIA!

quæ omnem in se, sollicitudinem Tuam transferens;

dedit inter anxia vota, bonum tam delicatum;

in quo conseruâdo, nisi anxia sis; nihil Tibi tàm excellenter sapuisse profuerit.

Sollicitudinem Tuam duo maxima augent;

immortali DEO grata vt sis; & vt gratiam serues;

ad vtrumque obligata, neutrum absque eo factura;

qui Te gratiâ suâ prævenit.

Bonum hoc, non ostentatum foris, sed domi inuentum, si stupes?

gratiarum actionem pro eo quomodo loqueris?

nescio loqui. Propheticum, scitissimum hinc ad eloquentiam inuentum.

Loquere ergò A. A. A. Domine;

Amor, Affectus, Angustia dicentis est.

Amplius in gratiarum actione, nec proficies, nec compones;

nemo enim publicam lætitiâ disertè loquitur.

interruptis affectibus, & tanquam in magno populo fluctuantibus;

indicabis eam potius, quàm dices.

O divinum ætatis nostræ enthusiasmum!

ô lætitia sine eloquentia, quàm suavis, quàm magnifica es!

in qua gratiam sentire licet; capere & effari non licet.

defectus hic mortalium, immortalis gratiæ excessus est:

H 2

exquò

Proge-

ex quo noua iterum Tibi ſolicitudo, ô Sarmatia!
vt quam eloqui nescis, gratiam ſerues.
Extrema quippe diù laborantium infelicitas;
diu illud agere, quo diù frui nequeas.
Plures tamen bonum, vel accepere felices; vel acquiſiuere ſolliciti;
quàm ſeruauere circumſpecti.
Res namq; centoculis digna, custodia felicitatis eſt:
ſed ad eam Argus, inter mortales tam nullus; quàm Endymionũ plena omnia.
Oculatas igitur manus,
quibus delictum Tuum complectaris & ſerues,
cælitus Tibi ô Patria poſcens, hoc age;
vt quod ex corde Tuo prodijt, non alibi uiuat:
quidquid tamen egeris, hoc crede;
Reges amoribus publicis cuſtodiri, non excubijs:
& quem ipſe dedit, Principem Tuum Deo cordi futurum.
Sic de eo cogita;
ſic in eo Sapientiæ ex alto Oraculum venerare;
vt quidquid illud, in ancipiti Sceptrorum, cõſilia tibi humana reſpondiſſent;
eò loci habeas, quò profana habentur.

Tuus verò
electione, præſagio, animorum conſenſu, orbis applauſu,
ipſo etiam nomine, res omninò ſacra,

S E R E N I S S I M V S
M I C H A E L K O R Y B V T

Rex in æternũ uiuat;
in quo, ſi Martem cogitas;
Vindex, bellator, Victor,
ad eum.

1 11 8 10 9 7 6 3 4 2 5 12 11 14
M V C R O L E C H I A B I T ;

ſi pacificum amas, & optas;
Niuea

Pietatis, Clementiæ, Pacis,

4 2 3 6 10 11 14 8 9 7 13 1 12 5
H I C E R I T C O L V M B A .



Impreſſum ſumptibus Novodworſcianiſ.

Hirt. Polin. 6 pp.

28^a

